

太微帝君二十四神回元經

漆四

太微帝君太一造形紫元內神二十四真人
混氣變生主仙上精散解胞結釋滯關元二
十四神所命乃得除脫也兆能修存名字者
則治鎮一身保守元精欲解節結之法當先

齋

祝之乃得開闢耳此靈並是結氣之玄宗成
體之具神連道雲霧帶生烟炁能致玉輦龍
騎千萬列行同與一體白日登天此太上真
人二十四神存玄元帝君上清乘風歛之道
也常當安身靜心正氣夷行閉目內視忘體

念神燒香盥練存神守真髣髴三入藹暉玄
英行之十八年太上命太微帝君太一五神
化生混靈道君從二十四真人千乘萬騎騁
風攝云呼吸流昇白日造天存神之道勿交
非類深室避事栖精躡空心存目想微妙守
冲靜菟安形則萬害不傷百鬼避竄千妖不
行消災散禍福慶不可勝紀先叩齒二十四
通畢乃存思

鵬神明覺元子字道都形長道一寸一分色
正白髮神名玄文華字通衡形長二寸二分

色玄皮膚神名通衆仲字道連形長一寸五分
分色黃目神名虛監生字道童形長三寸六
分衣五色項髓神名灵謨蓋字道周形長五
寸色白素衣瞽神名益歷輔字道柱形長三
寸半白玉素衣鼻神名冲龍玉字道微形長

二寸五分青白黃色衣舌神名始梁峙字道
歧形長七寸正赤色右一身上部八景神童
名字先存之並如嬰兒之形髣髴在身各安
其所訖乃齒八通咽液八過而微祝曰

上景八神一合入身帝君玄母五神各陳舉

形遞化流變適真千乘萬騎俱昇帝宸白元
無英道養太賓八靈翼體玉華銜煙恍惚十
周徑造日門初存思之始先三呼神名字祝
訖又三呼神名字今聲則出口三部同爾平
旦日中夜半三時恒存二十四神以次念之

卷四

二

祝呼如上法高上寶神明科經說曰叩齒之
法左右相叩名曰扣天鐘右右相叩名曰槌
天磬中央上下相對相叩名曰鳴天鼓若卒
遇凶惡不祥當叩天鍾三十過若經山辟邪
威神大祝當槌天磬若存思念道致真招靈

當鳴天鼓叩齒雖一其實有左右上下也故
凶惡而畏天鍾之響山神而懾天磬之動招
神而肅天鼓之震大玄青有節希微內感不
可以一槩而求不可以偶然而合也千章萬
事皆當如此叩齒之道演矣鍾鼓之音別矣

是以道數不可乖錯法術不可雜亂乖錯則
有暗昧之敗雜亂則有蠹毀之禍非冥冥之
無貫也行冥貫之無序則道之不可成事之
不可驗良由求真之途不得也履迹踰之造
而名愆于世俗矣扣天鍾三十過謂無他祝

孤行此以除不祥耳若有所案行隨本法叩齒之多少不必須扣三十過也喉神名百流放字道通形長八寸八分九色衣肺神名素靈生字道平形長八寸一方純白心神名煥陽昌字道明形長九寸色赤肝神名開君童

漆四

三

子道青形長六寸色青黃膽神名龍德拘字道放形長二寸六分色青黃綠左腎神名春元真字道卿形長三寸七分数變白赤青五色無常右腎神名象地無字道生形長三寸五分色白或黑脾神名寶元全字道霽形長

七寸三分色正黃右一身中部八景神童名
字次存之並如嬰兒之形髣髴在身各安其
所託叩齒八通咽液八過而為咒曰

中景八神四變九飛練魂正身明景同暉帝
君解結胎練四歸上通玄母散靈步威得與

八神合輦齊靡千乘萬騎上登太微胃神名
同來育字道展形長七寸色黃窮腸中神名
兆滕康字道還形長二寸四分黃赤色大小
腸中神名蓬送留字道厨形長二寸一分色
赤黃胴中神名受厚勃字道虛形長九寸一

分九色衣宵膈神名廣瑛宅字道仲形長五寸色白兩脇神名辟瑕馬字道成形長四寸一分赤白色左陰左陽神名扶流起字道圭形長二寸三分青黃白色在男存為左陽在女存為左陰右陰右陽神名苞表明字道生

形長二寸三分青黃白色在男存為右陽在女存為右陰

右一身下部八景神董名字後存之並如嬰兒之形髣髴在身各安其所訖乃叩齒八通咽液八過而微祝曰

下景八神散形九靈紫煙鬱生含元守精太
一元父帝君挺生七夾免籍司命記生鬼鬼
以安五華育明千乘萬騎與我同並先造太
素止楫上清道一內神明逮無馬字道極生
形長一寸二分紫色男存曰道一內神女存

添四

四

曰真元中靈右一神極根之幽神守中之上
靈也次有存之如嬰兒之狀安坐其所訖乃
叩齒二十四通咽液二十四過而微咒曰

玄上內真養形侍晨總紐攝綱九度八旋斗
星內朗宮館九陳帝君合昌九道七咽出液

內精和灌衆神五藏生華反老童顏千乘萬
騎與我昇天上朝太陞高揖玉晨右一身寶
名內字化生之精神也不知此名則仙道不
成矣若解結之日不先祝此者則結節不解
也結節不解必三寃失適

上元內喪五老失明帝君垂踈也男存為童
子之神女存為女子之神俱同一名字也存
二十四神當以夜半去枕平臥握固放體氣
調而微存思其身神安念帝君令髣髴居位
閉目內視之如有不具便當燒香平坐閉目

握固兩膝上精存衆神祝行如法其平旦日
中時存神自平坐而行之勿令有見之者矣
皆內視臨閉目而存也月一日夜半存神訖
又存兩目中有白無如雞子大在面目前須
更變成兩明鏡徑九寸以前後照我一體上

漆四

五

二十四神使洞鑒分明良久乃心祝曰

大明寶鏡分形散花鑒朗元神制却萬魔飛
行上清披雲巾羅役使千靈封山召河畢五
日一行之所謂覆校內精檢五神者也常能
行之災害不生而位登高仙拂童之道使徹

見帝君五神之法常以甲子之旬庚午日日
中時取清水一升以一銖真丹投水中攪之
左行三五過祝曰

玄流朱精生光八明身神衆列並來見行徹
視萬里中達九靈帝君映童使我上清祝畢
東向以洗目二七過恒行之者徹視萬神
祝當微言以水向月建洗目不常東向也
太微帝君二十四神回元經終